

Dujva Ronghlwenq Cuengh Gun Song Saw Vah Gyauyuz Duenh Cuhcungh

初中壮汉双语教育一枝花

——Geiq Mungzgungh Yangh Minzczuz Cunghyoz Guh Hong Cuengh Gun Song Saw Vah Sonhag

□ bonjbauq gicej Vangz Sinbyungz dunghsioyenz Huz Bangjbangz

Youq Guengjsae raeuz 24 aen minzczuz cunghyoz saedhengz Cuengh Gun song saw vah gyauyuz ndawde, Gveigangj Si Cinzdangz Gih Mungzgungh Yangh Minzczuz Cunghyoz dwg aen hagdangz dog dieg youq lajmbanj ndeu, caemh dwg Gveigangj Si aen hagdangz cuhcungh guh Cuengh Gun song saw vah sonhag dog ndeu. Daj laebbaenz gvaqdaej, hagdangz couh ciuq gij leixniemh banhag “aeu vunz guh goek, yienghiengh vih hagseng, hawj lwnyez Mbanjcuengh bouxboux ndaej angqyangz hagsib cangquengh majhung” neix, daj gij saedcaeq cingzgvang hagdangz caeuq hagseng bae guh, cauhamq fuengfap sonhag, onjdwat daezsang gyauyuz sonhag cizlieng, aeundaiej cingzcik yienhda. Hagdangz moix bi cungj aeundaiej Cinzdangz Gih gyauyuz sonhag cwnzgoj ciengj; 2005 nienz ndaej bingzguh Gveigangj Si suciz gyauyuz senhcin danhvei; 2007 nienz aeundaiej Guengjsae Hong Saw Vah Minzczuz cizdij ngeihdaengjgoeng; 2011 nienz aeundaiej Gveigangj Si yivu gyauyuz cangzgvaih guenjieix senhcin hagdangz.

Guengjsae raeuz dauqfuk doihengz sawjyung Sawcuengh le, Mungzgungh Yangh Minzczuz Cunghyoz caemh riengzdwk hwnjguh laebbaenz. “Seizhaenx aenvih roengzngaenz siuj lai, hagdangz gyausiz, rugninz cungj dwg ranzvax ranzvaih, yindungcangz cix gaebgedged; caet bet boux lauxsae ciengzgeiz caenx youq fungh rugninz hung ndeu. Louz lauxsae roengzdaej sonsaw, hah hagseng haeuj hagdangz doegsaw cix dwg gienh saeh hung gyauejdot ndeu.” Yaucangj Luz Gozminj lwnh naeuz gicej nyi.

Saedhengz Cuengh Gun song saw vah gyauyuz, caemh hawj Mungzgungh Minzczuz Cunghyoz daezhawj aen seizndei miz ik ndeu. Baengh gij ndeicawq neix, hagdangz lingjdauj lauxsae mbouj lau dwgrengz haemzhoj, mo laep caux roen, roemx ok diuzroen ronghlwenq cuhcungh guh Cuengh Gun song saw vah sonhag ndeu. Hagdangz ciuq aen saedcaeq cingzgvang hagseng cungj dwg daj gij siujyoz saedhengz Cuengh Gun song saw vah sonhag sawqniemh hagdangz ndaw yangh haeujdaej rox Sawcuengh neix, dingh hwnj dangz goq Sawcuengh bizsiuhgo, moix aen singhiz song aen goqseiz, yienghneix ndaej hawj hagseng daj yozcenzbanh daengz cuhcungh cungj ndaej hag Sawcuengh. Doengzseiz, dawz cungdenj sonhag cuengq youq rox yung hwnzde, sonyinx hagseng soucomz dangdieg gij fwen, heiq aeu sawndip



▲ Bineix 5 nyied, Gyauyuzbu, Guekgya Minzveij Minzczuz Gyauyuz Diuyenzcu j bae hagdangz guh diuyenz.



◀ Hagseng camgya Cinzdangz Gih cozywnz Sawcuengh doxdax.

▶ Douhung hagdangz sangmbwk, ndaw hag gyaundeidei caemdingh.



▲ Gyahnazda bouxlauxhangz song saw vah gyauyuz bae hagdangz cazyawj dangzgoq Sawcuengh laebdingh hwnjdangz cingzgvang.



geiq haenx, riengzlaeng youq gwnz dangz Sawcuengh gangjgej caemhcai sonyinx de aeu Sawcuengh gyoepyaem hoiz geiq roengzdaej, hawj hagseng yinx hag gyaey yung Sawcuengh. Caiqlj yung gij ndeicawq Sawcuengh, son hagseng Cuengh Gun doiqciuq, ra ok diuz roen moq sij cozywnz Cuengh Gun ndeu, dan gyawj haj bi neix, moix bi cungj miz ceiq siuj 20 boux hagseng miz cozywnz ndaej youq gwnz 《Gveigangj Yizbau》、《Gvangjsih Minzczuz Bau》 daeng okdaej, sonhag yauzgoj gig ndei.

Vih hawj gij hozdung neiyungz gwnz dangz caeuq rog dangz hagseng lai cungj lai yiengh, Mungzgungh Minzczuz Cunghyoz moix aen hageiz cungj anbaiz guh gak cungj gak yiengh Cuengh Gun song saw vah gyauyuz sonhag doxdax hozdung, cauxlaeb gij yiengh ndei minzczuz vwnzva ndaw hagdangz. Hagdangz doenggvaq banh “yozgoh cihsiz doxdax”、“hagseng cozywnz Cuengh Gun doxdax”、“Vahcuengh byauhcuinjyinh yienjangj doxdax”、“lauxsae Cuengh Gun song saw vah gwnz dangz sonhag doxdax” daengj hozdung, dawz gij yiengh ndei mizyinx hwnghoengh de baijyienj okdaej, hawj lauxsae, hagseng gagnyienh gagrox dwk camgya haeuj ndaw gak cungj hozdung bae, caemhcai aeundaiej cingzcik maenndei. 2010 nienz, hagseng Leiz Gizgiz daibayuj Gveigangj Si bae camgya “Cingz Mbanjcuengh” Vahcuengh

Yienjgangj Doxdax youz Swcigih Minzyijveij caeuq Gvangjsih Gvangibo Dendaiz doxcaemh banh neix, aeundaiej itdaengjciengj.

Mungzgungh Minzczuz Cunghyoz laemxsim yenzgiu Cuengh Gun song saw vah sohag, caenhsim cimhra roen moq sonhag. Hagdangz dingh ok le dauq guenjieix gihci gohyoz caeuq guenjieix cosih mizyauq ndeu, hawj lauxsae guh ndaej daengz guh ndaej sim'angq, ndiepgyaez hong minzczuz gyauyuz, ansim guh ndei hong sonhag, doxgiet caezsim bae haekfug gunnanz guh gyaugaj sawqniemh, cauhamq sonhag fuengfap, daezsang hagseng cingzcik. Lauxsae Cinz Cwnz caeuq Giuh Feihyungz dwg Bouxgun, ngamq daengz hagdangz seiz Vahcuengh cungj dingq mbouj rox, vunz ndaw ranz caeuq baengzyoux cungj coi songde vaiqdi diuh bae aen hagdangz wnq, hoeng songde genhciz guh roengzdaej, gaenxgoemx dwk bae camgya gak gaep beizyin hagsib, lij youq seiz cuengqhag bae caeuq vunzmbanj hag gangj Vahcuengh, mbouj geij nanz couh rox gangj Vahcuengh bienzbed, lij hag rox Sawcuengh dem, riengzlaeng baenz le hagdangz Cuengh Gun song saw vah sonhag guzgan lauxsae. Lauxsae aen hagdangz neix couhdwng yienghneix, gaenx hag gaenx mu, mboujduenh daezsang bonjsaeh sonhag, seizneix daengx hagdangz gaenq miz 29 boux lauxsae camgya conhgoh swng

bwnjgoh hansou, gaghag gaujsi caemhcai aeundaiej bizyez cwnghuh. 2001 nienz, hagdangz lauxsae hainduj camgya sengjaep goqdaez 《Cuengh Gun Song Saw Vah Sonhag Sawqniemh Yenzgiu》caeuq guekgya gaep goqdaez 《Guengjsae Siujyoz Cuengh Gun Song Saw Vah Sonhag Yenzgiu》daengj goqdaez yenzgiu, gij goqdaez neix cungj gaenq cienzbouh gietdaez niemhsou, aeundaiej hangh guekgya gaep gohyenz cwnjgoj ndeu, 2 hangh sengjaep gohyenz cwnzgoj.

Guh ok faenh goengrenz ndeu, caemh miz faenh souhaej ndeu. Mungzgungh Minzczuz Cunghyoz 2011 nienz cunghauj cingzcik cungj ndaej A⁺ haenx miz 2 vunz, gauj hwnj sienq sifansing gauhcungh 116 vunz; 2013 nienz gauj hwnj sienq sifansing gauhcungh 163 vunz, 2 boux cingzcik cungj ndaej A⁺.

Roengzrenz gaenx guh ngeihcib lai bi le, seizneix Mungzgungh Yangh Minzczuz Cunghyoz gaenq yamq haeuj mboengq fazcanj moq, hagseng dem daengz 1373 vunz; doengh laeuzsonhag moq gungh gvangq 2362 bingzfanghmij haenx gaenq guh baenz, song doengh laezyouq lauxsae roengzngaenz 396 fanh maenz haenx caemh guhbaenz yaek ndaej senj haeujbae youq. Doenggvaq coihcingj, yienghsienq hagdangz moqsag ronghlwenq, yienjok gij ngumhngaenz ngoenzcog engq gyaundeide!